



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ ՄԱՐԶԻ ԱՐԵՆԻ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Վայոց Ձորի մարզի Արենի համայնք
ՀՀ, Վայոց Ձորի մարզ, գ.Արենի, 0281-6-00-01, areni.vayotsdzor@mta.gov.am

Ո Ր Ո Շ ՈՒ Մ

05 ԱՊՐԻԼԻ 2024թվականի N 163-Ա

ԱՐԵՆԻ ՀԱՄԱՅՆՔՈՒՄ ՄԱՍՆԱԿՑԱՅԻՆ ԲՅՈՒՋԵՏԱՎՈՐՄԱՆ
ԳՈՐԾՆԹԱՅԻ ԿԱՌԱՎԱՐՄԱՆ ՀԱՆՁՆԱԺՈՂՈՎ ՍՏԵՂԾԵԼՈՒ, ՆՐԱ
ԳՈՐԾԱՌՈՒՅԹՆԵՐԸ ՍԱՀՄԱՆԵԼՈՒ, ԱՌԱՋԱՐԿՆԵՐԻ ՆԵՐԿԱՅԱՑՄԱՆ
ՀԱՅՏԻ ԵՎ ՆԱԽՆԱԿԱՆ ԳՆԱՀԱՏՄԱՆ ԱՂՅՈՒՍԱԿԻ ՁԵՎԱԹՂԹԵՐԸ
ՍԱՀՄԱՆԵԼՈՒ ՄԱՍԻՆ

Ղեկավարվելով «Տեղական ինքնակառավարման մասին» օրենքի 35-րդ հոդվածի 1-ին մասի
24-րդ կետով և հիմք ընդունելով Արենի համայնքում մասնակցային բյուջետավորման
գործընթացը՝

ՈՐՈՇՈՒՄ ԵՄ

1. Ստեղծել Արենի համայնքում մասնակցային բյուջետավորման գործընթացի
կառավարման հանձնաժողով՝ համաձայն հավելված 1-ի:

2. Սահմանել հանձնաժողովի իրավասությունները՝ համաձայն հավելված 2-ի:

3. Սահմանել մասնակցային բյուջետավորման գործընթացի իրականացման
ընթացակարգերն ու չափանիշները՝ համաձայն հավելված 3-ի:

4. Հանձնաժողովի նախագահին՝

1) Կազմել և սույն որոշման ուժի մեջ մտնելուց հետո 5-օրյա ժամկետում
համայնքի ղեկավարի հաստատմանը ներկայացնել 2024թվականին Արենի
համայնքում մասնակցային բյուջետավորման գործընթացի իրականացման պլան-
ժամանակացույցը:

2) հաստատված պլան-ժամանակացույցին համապատասխան կազմել և
համայնքի ղեկավարին ներկայացնել մասնակցային բյուջետավորման գործընթացի
յուրաքանչյուր փուլի ավարտի վերաբերյալ ընթացիկ և տարեկան ամփոփ
հաշվետվություններ: